

Dr. sc. Aida Bidžan-Gekić, vanredna profesorica Univerziteta u Sarajevu – Prirodno-matematičkog fakulteta, Odsjeka za geografiju, uža naučna oblast: „Regionalna geografija“ – *predsjednica Komisije*

Dr. sc. Senada Nezirović, redovna profesorica Univerziteta u Sarajevu – Prirodno-matematičkog fakulteta, Odsjeka za geografiju, uža naučna oblast: „Regionalna geografija“, *članica Komisije*

Dr. sc. Boris Avdić, docent Univerziteta u Sarajevu – Prirodno-matematičkog fakulteta, Odsjeka za geografiju, uže naučne oblasti: „Regionalna geografija“ i „Geografija u obrazovanju“, *član Komisije*

VIJEĆU UNIVERZITETA U SARAJEVU – PRIRODNO-MATEMATIČKOG FAKULTETA

Predmet: *Izvyještaj sa prijedlogom za izbor saradnika u zvanje VIŠI ASISTENT za oblast „Regionalna geografija“ na Univerzitetu u Sarajevu – Prirodno-matematičkom fakultetu, Odsjek za geografiju – I izvršilac sa punim radnim vremenom*

Na osnovu člana 69. stav (1) tačka f) i člana 123. Zakona o visokom obrazovanju („Službene novine Kantona Sarajevo“, broj: 36/22 i 28/25), člana 111. tačka i) i 236. Statuta Univerziteta u Sarajevu, te na prijedlog Vijeća Odsjeka za geografiju od 26.11.2025. godine, Vijeća Univerziteta u Sarajevu – Prirodno-matematičkog fakulteta na 25. elektronskoj sjednici, održanoj 27.11.2025. godine, donijelo je Odluku broj: 01/06-2772/2-2025 od 27.11.2025. godine, kojim je imenovana *Komisija za pripremanje prijedloga za izbor SARADNIKA u zvanje VIŠEG ASISTENTA za oblast: „Regionalna geografija“ na Univerzitetu u Sarajevu – Prirodno-matematičkom fakultetu, Odsjek za geografiju - I izvršilac sa punim radnim vremenom.*

Zadatak Komisije je da na osnovu prijave kandidata na Konkurs/natječaj, objavljen 07.11.2025. godine u dnevnom listu «Dnevni Avaz», na web-stranici Fakulteta i na web-stranici Univerziteta u Sarajevu, Izvoda iz Zakona o visokom obrazovanju („Službene novine Kantona Sarajevo“, broj: 33/17, 35/20, 40/20 i 39/21), Izvoda iz Zakona o visokom obrazovanju Kantona Sarajevo (Službene novine Kantona Sarajevo, broj: 36/22 i 28/25), Izvoda iz Statuta Univerziteta u Sarajevu i Podsjetnika za pisanje referata za izbor nastavnika i saradnika Univerziteta u Sarajevu, podnese Izvještaj sa prijedlogom Vijeću Univerziteta u Sarajevu – Prirodno-matematički fakultet, u roku od 30 dana od dana imenovanja, odnosno najkasnije do 27.12.2025. godine.

Nakon uvida u dostavljenu dokumentaciju kandidatkinje, Komisija podnosi sljedeći

IZVJEŠTAJ

Na Konkurs/natječaj za izbor SARADNIKA u zvanje VIŠEG ASISTENTA za oblasti: „Regionalna geografija“ i „Geografija u obrazovanju“ na Univerzitetu u Sarajevu – Prirodno-matematičkom fakultetu, Odsjek za geografiju – 1 izvršilac sa punim radnim vremenom, koji je objavljen 07.11.2025. godine u dnevnom listu «Dnevni Avaz», na web-stranici Fakulteta i na web-stranici Univerziteta u Sarajevu, prijavio se jedan (1) kandidat:

1. Belma (Asim) Durmišević, magistar geografije - *nastavnički smjer*

Na osnovu dostavljene potvrde broj: 02/01-2741/3-2025 od 28.11.2025. godine od strane Komisije Fakulteta: Jasmina Hasanbegović, dipl. iur sekretar Fakulteta, dr. Elvedin Hasović, vanredni profesor, i Jasmina Mujkić, dipl. iur, konstatuje da je **Belma Durmišević, magistar geografije - nastavnički smjer, blagovremeno, 21.11.2025. godine**, dostavila urednu prijavu na Konkurs/natječaj za radno mjesto SARADNIKA u zvanju VIŠEG ASISTENTA za oblast: „Regionalna geografija“ na Univerzitetu u Sarajevu – Prirodno-matematičkom fakultetu, Odsjek za geografiju - 1 izvršilac sa punim radnim vremenom.

Uz prijavu na konkurs, **Mr Belma Durmišević** je priložila sljedeće dokumente:

- Biografija;
- Ovjerena kopija izvoda iz matične knjige rođenih i uvjerenja o državljanstvu;
- Ovjerene kopije diploma I i II ciklusa studija;
- Ovjerene kopije dodatka diplomama I i II ciklusa studija;
- Ovjerene kopije posebnog priznanja Srebrena značka Univerziteta u Sarajevu za I te I i II ciklus studija;
- Ovjerena kopija dokaza o provedenom izbornom periodu u zvanju asistenta za oblasti "Regionalna geografija" i "Geografija u obrazovanju";
- Ovjerene kopije uvjerenja o ostvarenom radnom stažu u osnovnim školama;
- Ovjerene kopije certifikata kojim se potvrđuje poznavanje engleskog jezika, nivo B2 Upper-Intermediate i osnova rada na računaru;
- Ovjerenu kopiju certifikata o učešću u TRAIN (Training & Research for Academic Newcomers) programu Univerziteta u Sarajevu;
- Ovjerena kopija potvrde o učestvovanju u realizaciji naučnoistraživačkog projekta;
- Dokazi o učešću u radu organizacionih odbora naučnih skupova;
- Dokazi o učešću u radu Geografskog društva u Federaciji Bosne i Hercegovine;
- Dokazi o učešću u radu komisija;
- Kopija potvrde o recenzentskom angažmanu;
- Kopije i ovjerene kopije certifikata o stručnom usavršavanju – učešću u konferencijama, radionicama, seminarima, naučnim skupovima;
- Bibliografiju za naučnu oblast „Regionalna geografija“ s relevantnom dokumentacijom za izbor (naučni radovi, apstrakti, poglavlje u knjizi, praktikum) u printanoj i elektronskoj formi na USB-u.

1. BIOGRAFSKI PODACI KANDIDATKINJE

Mr Belma Durmišević, magistar geografije - nastavnički smjer

- Rođena je 12. maja 1996. godine u Sarajevu, Bosna i Hercegovina (*dostavljena ovjerena kopija izvoda iz matične knjige rođenih, broj: 08/14-05-130904/14 od 21.05.2014. godine*);
- Državljanica Bosne i Hercegovine (*dostavljena ovjerena kopija uvjerenja o državljanstvu Bosne i Hercegovine, broj: 02/05-10-68184/2025 od 17.11.2025. godine*);
- Maternji jezik: bosanski;
- Poznavanje engleskog jezika - položen nivo B2 Upper-Intermediate (*dostavljena ovjerena kopija certifikata Centra za poslovnu edukaciju, broj: 11142/20 od 23.10.2020. godine*);
- Navodi da posjeduje kompjuterske vještine: Microsoft Windows, Office paket, Internet i digitalne komunikacije, ArcGIS, Google Earth (*dostavljena ovjerena kopija certifikata Centra za poslovnu edukaciju, broj: 11141/20 od 23.10.2020. godine, kopija certifikata za pohađanje online Esri kurseva „Cartography”, „Do-It-Yourself Geo Apps” i „The Location Advantage”, kopija certifikata za uspješno završen online kurs „Lideri online nastave”, ID: vkqv2jezk3 od 02.09.2020.*).

1.1. OBRAZOVANJE

- Treći ciklus studija Geografija u obrazovanju (u okviru studija zajedničkog trećeg ciklusa - doktorski studij „Prirodne i matematičke nauke u obrazovanju“ na nivou Univerziteta u Sarajevu – Prirodno-matematičkog fakulteta) upisala je 2022. godine, a aktuelno je studentica V semestra u akademskoj 2025/2026. godini (*dostavljena ovjerena kopija potvrde broj: 03-6/G-III-22-2025 od 11.11.2025. godine*). Uspješno je odbranila projekat doktorske disertacije pod naslovom „*Primjena proširene i virtuelne realnosti u regionalnim sadržajima u srednjoškolskoj nastavi geografije*“ na dan 15.11.2024. godine (*dostavljena kopija odluke o prihvatanju izvještaja Komisije o projektu doktorske disertacije sa ocjenom podobnosti doktoranta/ice i teme doktorske disertacije, broj: 01-8-92/24 od 18.12.2024. godine*);
- Kandidatkinja je završila drugi ciklus studija geografije, Nastavnički smjer, na Univerzitetu u Sarajevu – Prirodno-matematičkom fakultetu, Odsjek za geografiju, u redovnom roku (2019-2020). Uspješno je odbranila završni rad drugog ciklusa („*Primjena HIIK metodologije u analizi savremenih političko-geografskih konflikta prema tipologiji subnacionalnih sukoba*“) dana 24.9.2020. godine i stekla zvanje *magistar geografije – nastavnički smjer* (*dostavljena ovjerena kopija diplome broj: 1244/2020 od 19.12.2020. godine*). Drugi ciklus studija završila je sa 60,0 ECTS bodova i sa prosječnom ocjenom studija 9,86 (*dostavljena ovjerena kopija dodatka diplomu*);
- Kandidatkinja je završila prvi ciklus studija geografije, Nastavnički smjer, na Univerzitetu u Sarajevu – Prirodno-matematičkom fakultetu, Odsjek za geografiju, u redovnom roku (2015-2019). Uspješno je odbranila završni rad prvog ciklusa („*Analiza savremenih*

koncepta i pristupa u izučavanju regionalne geografije i regionalnog razvoja“) dana 18.7.2019. godine i stekla zvanje *bakalaureat/bachelor geografije – nastavnički smjer* (dostavljena ovjerena kopija diplome broj: 2022/2019 od 07.12.2019. godine); Prvi ciklus studija završila je sa 240,0 ECTS bodova i s prosječnom ocjenom studija 9,33 (dostavljena ovjerena kopija dodatka diplomi);

– Srednju školu (Treća gimnazija) završila je u Sarajevu (2011-2015).

1.2. STRUČNO USAVRŠAVANJE

Kandidatkinja navodi da je pohađala: WWF Obuku za edukatore i edukatorke za sprovođenje aktivnosti u prirodi (dostavljena kopija potvrde, broj: 93/2021), TRAIN program na Univerzitetu u Sarajevu (dostavljena ovjerena kopija potvrde, broj: 0101-10205-2/22 od 29.09.2022. godine), trening Asistivna tehnologija u funkciji unapređenja kvalitete podučavanja i studiranja (dostavljena kopija potvrde, broj: 07-14/23), učestvovala na IOM radionicama (dostavljena kopija sertifikata), prisustvovala na Samitu Otpornost i inovacije u sektoru turizma i putovanja/ Resilience and Innovation Summit (USAID) (hotel Hills, Sarajevo) (dostavljena kopija potvrde), USAID Turizam - Stvaranje i povećanje potražnje na tržištima Latinske Amerike – turistička (leisure) i vjerska putovanja (Ibis Styles hotel, Sarajevo) (nije dostavljena potvrda). Učestvovala je u Ljetnoj školi „Environmental History and Historical Ecology of the Dinaric Karst“ u Sloveniji (dostavljena kopija sertifikata).

1.3. NAGRADE I PRIZNANJA

Dobitnica je posebnog priznanja Srebrna značka Univerziteta u Sarajevu za prvi ciklus studija Prirodno-matematičkog fakulteta Univerziteta u Sarajevu (dostavljena ovjerena kopija potvrde, broj: 61/19 od 07.12.2019. godine) i Srebrna značka Univerziteta u Sarajevu za prvi i drugi ciklus studija Prirodno-matematičkog fakulteta Univerziteta u Sarajevu (dostavljena ovjerena kopija potvrde, broj: 28/20 od 19.12.2020. godine).

1.4. RADNO ISKUSTVO

Kandidatkinja je stekla nastavno-pedagoško iskustvo kao nastavnik geografije u dvije osnovne škole (*dostavljene ovjerene kopije uvjerenja broj: 02-82/22 od 20.01.2022. godine; 01-1475-06-1/57/21 od 15.11.2021. godine; 01-1189-06-1/57/21 od 30.09.2021. godine*) i u svojstvu asistentice na Odsjeku za geografiju (*ovjerena kopija odluke o izboru u zvanje asistentice, broj 01-4-79/22 od 30.03.2022. godine*).

U toku 2021. godine kandidatkinja je bila angažovana kao edukator za korištenje internet tehnologije po projektu „Unapređivanje kvaliteta života osoba sa intelektualnim teškoćama” u Udruženju za podršku osobama sa intelektualnim teškoćama na području Kantona Sarajevo „OAZA” (*dostavljena ovjerena kopija ugovora o djelu*), gdje je ujedno volontirala.

1.5. PEDAGOŠKE I NASTAVNE AKTIVNOSTI

Od 2022. godine mr Belma Durmišević je izabrana u zvanje asistentice za uže naučne oblasti: „Regionalna geografija” i „Geografija u obrazovanju” na Univerzitetu u Sarajevu – Prirodno-matematičkom fakultetu, Odsjek za geografiju (*dostavljena ovjerena kopija odluke o izboru u zvanje asistentice, broj 01-4-79/22 od 30.03.2022. godine*).

Izvodi vježbe iz više nastavnih predmeta (14) na I ciklusu studija: *Regije u prostornom planiranju, Regionalna geografija Evrope I, Regionalna geografija Evrope II, Metodika nastave geografije, Savremeni regionalni razvoj Bosne i Hercegovine, Regionalna geografija Afrike, Savremeni problemi regionalnog razvoja u svijetu, Uvod u geografiju, Regionalna geografija Bosne i Hercegovine II, Didaktičko metodička praksa, Uvod u naučno-istraživački rad, Geografska regionalizacija, Kartografija sa topografijom, Regionalna geografija Australije i Okeanije.*

Kandidatkinja učestvuje u izvođenju **Terenske nastave** na Odsjeku za geografiju i u promociji Odsjeka za geografiju Univerziteta u Sarajevu – Prirodno-matematičkog fakulteta na društvenim mrežama i prezentaciji Odsjeka u srednjim školama.

1.6. DRUŠTVENI I INSTITUCIONALNI DOPRINOS

Kandidatkinja je učestvovala kao:

- članica Komisije za rangiranje kandidata za upis u prvu godinu drugog ciklusa studija Univerziteta u Sarajevu – Prirodno-matematičkog fakulteta u akademskoj 2025/2026. (*dostavljena kopija odluke, broj: 01/6-332/7-2025 od 16.06.2025. godine*) i 2024/2025. godini (*dostavljena kopija odluke, broj: 01/06-395/3-2024 od 10.6.2024. godine*);
- članica Komisija za izradu takmičarskih testova za učenike IX razreda osnovnih škola i za učenike od I do IV razreda srednje škole (gimnazija) sa područja Kantona Sarajevo na općinskom i kantonalnom nivou u šk. 2023/24. i 2024/25. godini (*dostavljene ovjerene kopije ugovora o djelu, broj: 01-3-34-3069/25 od 01.04.2025. godine, 01-3-34-3967/25 od 22.04.2025. godine, 01-3-34-3696/25 od 14.4.2025. godine; ovjerena kopija rješenja o imenovanju komisija, broj: 01-3-34-3093/24 od 05.4.2024. godine i 01-3-34-2754/24 od*

21.3.2024. godine);

- članica Organizacionih odbora: 9th, 10th i 11th International Tourism and Hospitality Management Congress, Demographic Challenges in Bosnia and Herzegovina and the World (*dostavljena ovjerena kopija potvrde broj: 01/01-2614/2-2025 od 17.11.2025. godine*), „Small State Geopolitics in a Multipolar World“ – International conference & workshop (*dostavljena kopija certifikata*), Prvi sajam sporta, zdravlja i turizma (*dostavljena ovjerena kopija certifikata*), Šesti kongres geografa Bosne i Hercegovine (*dostavljena ovjerena kopija potvrde, broj 212-09-05/01-2025 od 11.11.2025. godine*);
- predstavnica studenata na trećem ciklusu studija Odsjeka za geografiju u Vijeću Univerziteta u Sarajevu – Prirodno-matematički fakultet za ak. 2022/23. godinu (*dostavljena ovjerena kopija potvrde odluke, broj 01/06-330/2-2023 od 09.03.2023. godine*).

2. NAUČNI I STRUČNI RAD KANDIDATKINJE

2.1. NAUČNOISTRAŽIVAČKI PROJEKTI

Kandidatkinja je učestvovala u realizaciji naučnoistraživačkog projekta pod nazivom „Digitalne tehnologije i turizam: Uloga virtualne realnosti u promociji i konkurentnosti turizma u Federaciji Bosne i Hercegovine” – Federalno ministarstvo obrazovanja i nauke, 2023-2024. godine (*dostavljena ovjerena kopija potvrde, broj: 01-3-1854/25 od 10.4.2025. godine*).

2.2. UČEŠĆE NA MEĐUNARODNIM I DOMAĆIM NAUČNIM SKUPOVIMA

Kandidatkinja je učestvovala na 9 naučnih skupova sa radom (6 konferencija, 2 sajma i 1 kongres) i na dva naučna skupa bez rada:

- 15-19. septembar 2025. godine – učešće s radom na 11th International Tourism and Hospitality Management Congressu (Univerzitet u Sarajevu – Prirodno-matematički fakultet, Sarajevo) (*dostavljena kopija certifikata*);
- 1-2. septembar 2025. – učešće na naučnom simpoziju i radionici „Advancing European Enlargement through Engagement – Regional Cooperation for Stability, Development and Resilience” (Univerzitet u Sarajevu – Prirodno-matematički fakultet, Sarajevo) (*dostavljena kopija certifikata*);
- 24. oktobar 2024. godine – online učešće s radom na Interdisciplinary Management Research XX (Osijek, Hrvatska) (*dostavljena kopija certifikata*);
- 24-27. oktobar 2024. godine - učešće s radom na 10th International Tourism and Hospitality Management Congressu (Univerzitet u Sarajevu – Prirodno-matematički fakultet, Sarajevo) (*dostavljena kopija certifikata*);
- 19-21. septembar 2024. godine – učešće s radom na Šestom kongresu geografa Bosne i Hercegovine (Univerzitet u Sarajevu – Prirodno-matematički fakultet, Sarajevo) (*dostavljena kopija certifikata*);
- 09-10. septembar 2024. godine – učešće bez rada na konferenciji „Small State Geopolitics

in a Multipolar World“ (Univerzitet u Sarajevu – Prirodno-matematički fakultet, Sarajevo) (*dostavljena kopija sertifikata*);

- 26-27. april 2024. godine – učešće s radom na Međunarodnom sajmu turizma – Sarajevo Destination Festival by Sarajevo Travel Fest (Centar Skenderija, Sarajevo) (*dostavljena ovjerena kopija liste učesnika*);
- 27-28. oktobar 2023. godine - učešće s radom na Prvom sajmu sporta, zdravlja i turizma (Centar Skenderija, Sarajevo) (*dostavljena kopija programa Sajma*);
- 18-22. oktobar 2023. godine – učešće s radom na 9th International Tourism and Hospitality Management Congressu (Univerzitet u Sarajevu – Prirodno-matematički fakultet, Sarajevo) (*dostavljena kopija sertifikata*);
- 08-09. juni 2023. godine – učešće s radom na konferenciji „Demografski izazovi u Bosni i Hercegovini i svijetu“ (Univerzitet u Sarajevu – Prirodno-matematički fakultet, Sarajevo) (*dostavljena kopija sertifikata*);
- 14-18. septembar 2022. godine – učešće s radom na 8th International Tourism and Hospitality Management Congressu (Univerzitet u Sarajevu – Prirodno-matematički fakultet, Sarajevo) (*dostavljena kopija sertifikata*).

2.3. PROFESIONALNA ČLANSTVA I UREDNIČKI ANGAŽMAN

Kandidatkinja je:

- članica Uredničkog odbora časopisa „Geografski pregled“, Univerzitet u Sarajevu – Prirodno-matematički fakultet (*dostavljena ovjerena kopija potvrde, broj: 01/01-45/2-2024 od 10.01.2024. godine*);
- tehnička urednica Zbornika radova Šestog kongresa geografa Bosne i Hercegovine (*dostavljena ovjerena kopija potvrde, broj 212-09-05/01-2025 od 11.11.2025. godine*);
- članica Odbora za osiguranje kvaliteta Univerziteta u Sarajevu – Prirodno-matematičkog fakulteta (*dostavljena kopija odluke, broj: 01/06-2040/6-2024 od 19.09.2024. godine*);
- članica Nadzornog odbora Geografskog društva u Federaciji Bosne i Hercegovine u mandatnom periodu 2025-2029. godina (*dostavljena ovjerena kopija odluke, broj: 212-10-05/01-2025 od 11.11.2025. godine*).

2.4. RECENZIJE NAUČNIH RADOVA

Kandidatkinja je bila recenzent rada u naučnom časopisu *Annals of the Institute of Biology* – University of Sarajevo (AIBUS) 2025. godine (*dostavljena kopija potvrde od 18.11.2025. godine*)

2.5. NAUČNI I STRUČNI RADOVI

Kandidatkinja je dosad objavila u svojstvu koautora ukupno 14 naučnih radova (2 naučna rada do izbora u zvanje asistentice, 12 nakon izbora), jedno poglavlje u knjizi, jedan praktikum i 5 sažetaka.

NAUČNI RADOVI IZ OBLASTI „REGIONALNA GEOGRAFIJA“ DO IZBORA U ZVANJE ASISTENTICE

1. Nezirović, S., **Durmišević, B.** (2021). Geographical Characteristics of the Una-Sana Mesoregion. *Revija za geografiju*, 31, 16(1), 57-76. <https://doi.org/10.18690/rg.16.1.3223> (indeksirano u: Current Geographical Publications, EBSCOhost, International Bibliography of the Social Sciences, Ulrich's, DOAJ)

Savremena regionalizacija Bosne i Hercegovine zasniva se na četiri makroregije: Peripanonskoj, Planinsko-kotlinskoj, Makroregiji bosanskohercegovačkog visokog krša i Mediteranskoj makroregiji. U ovom radu posebno je izdvojen segment Peripanonske makroregije – Unsko-sanska mezoregija, te su obrađene prirodnogeografske karakteristike (položaj, geološka i geomorfološka obilježja, hidrogeografija, klima, tla i biogeografija) i ključni društvenogeografski pokazatelji (demografija, struktura stanovništva i privredne funkcije). Osim toga, na osnovu dostupnih podataka i terenskih opažanja, autorice ukazuju i na istaknute probleme Unsko-sanske mezoregije, posebno negativne demografske trendove i intenzivnu emigraciju stanovništva.

2. Nezirović, S., **Durmišević, B.**, Hodžić, A., Živko, A. (2021). Bosnia and Herzegovina – Transit Area or Unwanted Migrant Depots?. *Revue Roumaine de Géographie/Romanian Journal of Geography*, 65(1), 3-19, București, http://www.rjgeo.ro/issues/revue%20roumaine%2065_1/nezirovic%20et%20al..pdf (indeksirano u: Scopus, DOAJ, Index Copernicus, EBSCO, Genamics, Gabells, Eth-Bibliothek, SSOAR, Ulrichsweb, University of Oxford, Scipio)

Autorice proučavaju rute migranata koji napuštaju područja sukoba i siromaštva na Bliskom istoku, u Južnoj Aziji i Africi, te objašnjavaju uzroke migrantske krize u Bosni i Hercegovini. Ukazuju na ključne probleme s kojima se država suočava i razmatraju moguća rješenja. Bosna i Hercegovina je od 2016. godine postala tranzitna, nenamjerna stanica u migrantskim tokovima, a priliv je posebno porastao nakon 2018. godine. Među istaknutim izazovima su nedostatak smještajnih kapaciteta i složen politički sistem.

NAUČNI RADOVI IZ OBLASTI „REGIONALNA GEOGRAFIJA“ NAKON IZBORA U ZVANJE ASISTENTICE

1. **Durmišević, B.**, Osmanović, M., Nezirović, S. (2022). Regional-geographic Concept of the Development of Tourism in the Una-Sana Mesoregion. *Geografski pregled*, 46, 87-102. DOI: 10.35666/23038950.2022.46.87 (indeksirano u: Current Geographical Publications)

U ovom radu, autorice analiziraju Unsko-sansku mezoregiju kao dio Peripanonske makroregije, ističući njene ključne prirodnogeografske i društvenogeografske karakteristike. Na osnovu tih obilježja identifikovani su manje poznati turistički motivi koji imaju potencijal za razvoj turizma u regiji. Cilj istraživanja je pružiti pregled stvarnog stanja turističkih motiva kroz analizu elemenata turističke valorizacije, uključujući lokaciju, usklađenost i stepen izgrađenosti. Dodatno, autorice utvrđuju smjernice za unapređenje njihove ukupne turističke vrijednosti. Istraživanje se zasniva na terenskom

radu i upotrebi savremenih geoinformacionih tehnologija, što omogućava objektivan uvid u trenutni nivo turističkog razvoja Unsko-sanske mezonegije te ukazuje na mogućnosti njenog daljeg unapređenja.

RECENZIRANI PRAKTIKUM IZ OBLASTI „REGIONALNA GEOGRAFIJA“ NAKON IZBORA U ZVANJE ASISTENTICE

1. Nezirović, S., **Durmišević, B.** (2023). Praktikum iz Regionalne geografije II [CD]. Sarajevo: Univerzitet u Sarajevu – Prirodno-matematički fakultet. ISBN 978-9926-453-73-2

Praktikum je izrađen u skladu s Nastavnim planom i programom studija geografije Univerziteta u Sarajevu – Prirodno-matematičkog fakulteta. Cilj je studentima olakšati uspješno savladavanje vježbi iz predmeta Regionalna geografija Bosne i Hercegovine II. Sadržaj praktikuma organizovan je prema redoslijedu nastavnih jedinica i rezultat je dugogodišnjeg iskustva autorica. Materijal u potpunosti pokriva program vježbi i omogućava studentima samostalan rad uz paralelno savladavanje gradiva. Praktikum sadrži kratak teorijski uvod i jasna uputstva za samostalno izvođenje vježbi, a svako poglavlje oblikovano je kroz praktične zadatke koji prate tematske cjeline iz nastave.

OSTALI RELEVANTNI NAUČNI RADOVI

1. Peštek, A., Banda, A., Osmanović, M., **Durmišević, B.** (2025). Tasting Tourism: Evaluating Gastro Offerings in Sarajevo and Mostar via Tripadvisor Reviews. *Turizam*, 3(29) (u štampi - dostavljena potvrda). (indeksirano u: Index Copernicus, DOAJ, ResearchBib, MIAR, ROAD, CIRET's Data bases, ERIH PLUS, SCIndex, Google Scholar)

U radu su analizirani Sarajevo i Mostar kao najposjećenije gastronomske destinacije u Bosni i Hercegovini, s posebnim naglaskom na restorane koji nude tradicionalnu kuhinju. Istraživanje se zasniva na analizi TripAdvisor recenzija za 56 restorana u Sarajevu i 21 restorana u Mostaru. Cilj je procijeniti zadovoljstvo turista lokalnom gastronomskom ponudom te identifikovati sličnosti i razlike u percepciji tradicionalnih jela u obje destinacije. Rezultati pokazuju da je najvažniji faktor zadovoljstva ravnoteža između kvalitete hrane i cijene, dok turisti gastronomiju obje destinacije prepoznaju kao dio bosanske kulinarske tradicije. Dobijeni nalazi predstavljaju korisnu osnovu za donosiocje politika i ugostiteljski sektor u unapređenju i promociji lokalne gastronomske ponude.

2. Banda, A., Osmanović, M., **Durmišević, B.**, Zejnić, M. (2025). Turizam kao faktor fizionomske transformacije zaštićenih područja – studija slučaja Spomenik prirode Prokoško jezero, *Zbornik radova Šestog kongresa geografa Bosne i Hercegovine*, 54-70.

Rad analizira utjecaj turizma na fizionomsku transformaciju zaštićenih prirodnih područja, s fokusom na Spomenik prirode Prokoško jezero. Korištenjem GIS alata i podataka Corine Land Cover, autorice prikazuju prostorne i vremenske promjene u pokrovnosti zemljišta, posebno u posljednje dvije decenije. Rezultati ukazuju na značajne negativne promjene uzrokovane rastućim turističkim pritiskom i ilegalnom gradnjom, što je dovelo do širenja rekreativnih zona, degradacije staništa, gubitka biodiverziteta i narušavanja hidrološke stabilnosti jezera. Iako turizam donosi određene ekonomske

koristi, nedostatak održivog planiranja i kontrole doveo je do dugoročnih ekoloških posljedica. Studija naglašava potrebu za integrisanim i održivim pristupom upravljanju Prokoškim jezerom, uključujući strožiju regulaciju gradnje, efikasniji ekološki nadzor, unapređenje upravljanja otpadom i jaču promociju ekoturizma kako bi se očuvala njegova prirodna vrijednost.

3. Žunić, L., Avdić, B., Žunić, F., **Durmišević, B.**, Žunić, F. (2024). Pristupačni turizam. *Zemlja i ljudi*, 74, 81-94.

Pristupačni turizam obuhvata prilagođavanje turističkih usluga osobama sa invaliditetom, starijim osobama i svima osobama kojima je potrebna određena vrsta podrške. Rad opisuje vrste invaliditeta, prepreke s kojima se osobe susreću tokom putovanja i važnost univerzalnog dizajna. Naglašava se rast ovog tržišta u svijetu i potreba za edukacijom osoblja, prilagođenom infrastrukturom i dostupnim informacijama. Ističe se i značaj pristupačnog turizma za socijalnu inkluziju i zapošljavanje.

4. Banda, A., Osmanović, M., **Durmišević, B.**, Čaušević, A., Božović, T. (2024). Sarajevo through the Lens of the Austrian-Hungarian Period: The Significance of Postcards in Tourism Promotion. *Journal of Tourism and Hospitality Management*, 10, 156-172. <https://doi.org/10.35666/25662880.2024.10.156> (indeksirano u CABI)

Predmet istraživanja rada je analiza austrougarskog perioda kao ključne faze u razvoju Sarajeva i njegovog turističkog identiteta. Autori ističu da su evropski mediji krajem 19. stoljeća redovno izvijestavali o Sarajevu, predstavljajući ga široj publici kao novu i zanimljivu destinaciju. Poseban fokus stavljen je na razglednice, koje se u Bosni i Hercegovini počinju intenzivnije koristiti nakon 1890. godine. Razglednice tog vremena prikazuju arhitektonske promjene, kulturne lokalitete i svakodnevni život stanovništva, te su zahvaljujući radovima poznatih fotografa postale važan promotivni alat. One su omogućile vizualno približavanje grada evropskim posjetiocima, doprinoseći stvaranju slike Sarajeva kao modernog, kulturno raznolikog i privlačnog odredišta. Istraživanje se usmjerava na analizu motiva razglednica iz austrougarskog perioda i njihovu ulogu u ranim fazama razvoja turizma.

5. Peštek, A., Banda, A., **Durmišević, B.**, Pilav-Velić, A., Rizvić, S., Hadžijamaković, N. (2024). Virtual Reality: Enhancing Inclusive Tourism Experiences. *Journal of Tourism and Hospitality Management*, 10, 173-184, <https://doi.org/10.35666/25662880.2024.10.173> (indeksirano u CABI)

Virtuelna realnost (VR) sve više dobija na značaju u turizmu, nudeći korisnicima imerzivna i alternativna iskustva destinacija. Istraživanje se fokusira na praktične aspekte primjene VR tehnologije i njen doprinos inkluzivnom turizmu, posebno u kontekstu proširenja pristupa osobama s invaliditetom i suočenim s ograničenjima u putovanju. Metodologija se temelji na fokus grupama s predstavnicima privatnog, javnog i civilnog sektora, kroz koje su ispitane percepcije i mogućnosti primjene VR-a u promociji turizma i unapređenju pristupačnosti. Rezultati potvrđuju da VR može omogućiti pristup turističkim sadržajima koji bi mnogim korisnicima inače bili nedostupni, te predstavljaju polaznu osnovu za daljnje istraživanje potencijala ove tehnologije u razvoju inkluzivnog turizma.

6. Avdić, B., **Durmišević, B.**, Žunić, L. (2024). Motivational Factors for Studying Geography: Student Perceptions in Sarajevo. *Geografski pregled*, 50, 75-89. DOI: 10.35666/23038950.2024.75.09 (indeksirano u: Current Geographical Publications, CABI, ERIH Plus)

Geografija se na Univerzitetu u Sarajevu izučava od 1950. godine, a program je završilo više od 1700 studenata. Istraživanje predstavlja prvi pokušaj ispitivanja motivacija za upis geografije i percepcije studenata o ovoj nauci. Anketirano je 54 studenta prvog ciklusa, a pitanja su obuhvatila demografske podatke, prethodno iskustvo s geografijom, razloge upisa, interesovanja unutar geografije i zadovoljstvo studijem. Deskriptivna analiza pokazuje raznolike motive i stavove, pri čemu se turizam ističe kao najprivlačnije područje.

7. Peštek, A., Rizvić, S., Banda, A., Pilav-Velić, A., **Durmišević, B.** & Hadžijamaković, N. (2024). Virtual Reality and Promotion of Tourism Destinations: The Case of Federation of Bosnia and Herzegovina. *Interdisciplinary Management Research XX*, 568-587. Faculty of Economics and Business in Osijek (indeksirano **Web of Science**)

Tehnologija virtuelne realnosti (VR) predstavlja perspektivan alat za marketing turizma, nudeći imerzivna iskustva koja nadmašuju tradicionalne metode. U Bosni i Hercegovini primjena VR-a je još u ranoj fazi, uglavnom kroz pojedinačne aktivnosti, dok prethodna istraživanja uglavnom analiziraju iskustvo i emotivnu povezanost korisnika s kulturnim sadržajem. Ovaj rad, pored pregleda literature, prezentuje nalaze fokus grupa s predstavnicima privatnog, javnog i civilnog sektora u Federaciji BiH, s ciljem ispitivanja percepcija, potencijalnih modaliteta primjene i spremnosti za korištenje VR tehnologije u promociji turističkih destinacija.

8. Banda, A., Peštek, A., Osmanović, M., **Durmišević, B.** (2023). Will You Be Hungry in Sarajevo? A Tripadvisor Content Analysis of Local Gastro Offer in Sarajevo. *Journal of Tourism and Hospitality Management*, 9, 80-93. DOI: 10.35666/25662880.2023.9.80

Sarajevo je prepoznato kao turistička destinacija koja spaja kulturu, historiju i tradiciju, što se ogleda i u njenoj gastro ponudi. Grad nudi raznovrsne lokalne i međunarodne kuhinje, pružajući turistima jedinstvena iskustva. Ovaj rad analizira TripAdvisor recenzije restorana lokalne kuhinje, sistematski kategorizirajući različite aspekte ponude, uključujući tip restorana, kuhinje i ograničenja. Rezultati pružaju uvid u iskustva turista prilikom konzumiranja hrane, kvalitet i raznovrsnost gastronomske ponude, te mogu poslužiti kao osnova za unapređenje ugostiteljske i turističke ponude Sarajeva.

9. Nežirović, S., Aganović, Dž., **Durmišević, B.** (2022). The Impact of the COVID-19 Pandemic on Tourism in the City of Sarajevo (Bosnia and Herzegovina). *Revue Roumaine de Géographie/Romanian Journal of Geography*, 66(2), 167-177. București (indeksirano u: **Scopus**, DOAJ, Index Copernicus, EBSCO, Genamics, Gabells, Eth-Bibliothek, SSOAR, Ulrichsweb, University of Oxford, Scipio)

Rad istražuje utjecaj pandemije koronavirusa na turizam u Sarajevu, analizirajući stanje turističke ponude prije pandemije, njen neposredni utjecaj i dugoročne posljedice. Istraživanje pokazuje da je turizam jedan od najranjivijih sektora, a pandemija je značajno utjecala na turističku ponudu

Sarajeva, kako u ekonomskom smislu, tako i na psihološko stanje i ponašanje zaposlenih u sektoru. Glavni cilj rada bio je prikazati negativne posljedice pandemije na turistički promet u gradu.

10. Drešković, N., Hrelja, E., Osmanović, M., **Durmišević, B.** (2022). Identification and Valorization of Tourist Motives - Case Study of the Old Town of Dubrovnik in Ilijaš. *Journal of Tourism and Hospitality Management*, 8, 108-125, DOI: 10.35666/25662880.2022.8.108

Predmet istraživanja je identifikacija i valorizacija turističkih motiva Starog grada Dubrovnika na području općine Ilijaš. Turistički motivi, kao jedan od tri osnovna elementa turizma, analizirani su kroz konstitutivne elemente turističke valorizacije: lokaciju, atraktivnost, ambijent, izgradnju i usklađenost. Cilj je prikazati turističku vrijednost Starog grada Dubrovnika i utvrditi smjernice za turističko planiranje s ciljem povećanja njegove ukupne vrijednosti. Istraživanje kombinuje terenski rad, GIS metodologiju i savremene evaluacijske metode, uzimajući u obzir fizičkogeografske i društvenogeografske karakteristike područja.

11. Nežirović, S., Živko, A., **Durmišević, B.**, Hodžić, A. (2022). Stabilisation and Association Agreement Between the Western Balkan Countries and the European Union. *Journal of Geography, Political and Society*, 12(2), 36-50. <https://doi.org/10.26881/jpgs.2022.2.05> (indeksirano u: Arianta, BazEkon, Bazhum, CEEOL, CEJSH, EBSCO Political Science Complete, EBSCO Discovery Service, ERIH PLUS, Index Copernicus, WorldCat)

Autorice rada istražuju Evropsku uniju (EU) kao savez suverenih država, ističući njenu ulogu u jačanju globalne konkurentnosti i saradnje. Rad prikazuje značaj proširenja EU, s posebnim osvrtom na peto proširenje koje je pokazalo ujedinjenje Istočne i Zapadne Evrope, te očekivano buduće proširenje kroz ulazak država Zapadnog Balkana. Autori detaljno prikazuju Proces stabilizacije i pridruživanja (SAP) i Sporazum o stabilizaciji i pridruživanju (SAA) kao ključne instrumente EU za integraciju Zapadnog Balkana. Rad daje pregled napretka zemalja regije ka članstvu, njihov trenutni status i probleme s kojima se suočavaju, te objašnjava ulogu SAP-a i SAA u olakšavanju procesa pridruživanja.

POGLAVLJE U KNJIZI

1. Banda, A., **Durmišević, B.**, Osmanović, M., Musić, J. (2025). The Role of Virtual Reality in Experiencing Intangible Cultural Heritage: Case Study Sarajevo VRX Immersive Museum, Chapter 8. *Extended Reality in Culture and Creative Industries*, 175-195. Emerald Publishing Limited.

Autorice poglavlja istražuju primjenu virtuelne realnosti (VR) u prezentaciji historijskih događaja kao dijela nematerijalnog kulturnog naslijeđa, s posebnim fokusom na sarajevski atentat na Franza Ferdinanda 1914. godine. Događaj je oživljen kroz VR 360 3D film u Sarajevo VRX Immersive Museum, pružajući korisnicima interaktivno i edukativno iskustvo kroz prikaz austrougarskog Sarajeva i geopolitičke situacije tog vremena. Cilj studije je analizirati iskustvo posjetilaca, te utjecaj VR iskustva na njihove buduće navike i ponašanje tokom putovanja.

ZBORNICI SAŽETAKA

1. Pobrić, A., Ajanović, E., **Durmišević, B.**, Osmanović, M. (2025). Tourism Potential of Počitelj and Political Challenges, Tourism Development of Sarajevo's Olympic Mountains. *Book of abstracts 11th International Tourism and Hospitality Management Congress*, str. 22, Sarajevo: University of Sarajevo – Faculty of Science
2. Banda, A., Peštek, A., **Durmišević, B.**, Ajanović, E., Osmanović, M. (2025). Between Tradition and Tourism: The Role of Bjelašnica's Cultural Heritage in Shaping the Tourism Supply. *Book of abstracts 11th International Tourism and Hospitality Management Congress*, str. 25, Sarajevo: University of Sarajevo – Faculty of Science
3. Banda, A., Čaušević, A., Osmanović, M., **Durmišević, B.** (2025). Tourism Development of Sarajevo's Olympic Mountains. *Book of abstracts 11th International Tourism and Hospitality Management Congress*, str. 36, Sarajevo: University of Sarajevo – Faculty of Science
4. Nezirović, S., **Durmišević, B.** (2023). Analiza prostornog razmještaja stanovništva Bosne i Hercegovine, *Demographic Challenges in Bosnia and Herzegovina and the World - International Scientific Conference*, str. 55, Sarajevo: Univerzitet u Sarajevu – Prirodno-matematički fakultet
5. Pobrić, A., Osmanović, M., **Durmišević, B.** (2023). Analiza savremenih demogeografskih trendova u općini Novi Grad Sarajevo, *Demographic Challenges in Bosnia and Herzegovina and the World - International Scientific Conference*, str. 60, Sarajevo: Univerzitet u Sarajevu – Prirodno-matematički fakultet

3. ZAKLJUČAK

Na osnovu analize svih raspoloživih podataka u priloženoj dokumentaciji predviđenoj Konkursom, koju je dostavila Mr Belma Durmišević, asistentica na Univerzitetu u Sarajevu – Prirodno-matematičkom fakultetu, Odsjek za geografiju, kao jedini prijavljeni kandidat za izbor saradnika u zvanje *višeg asistenta* za oblast „Regionalna geografija“, Komisija konstatuje:

- Kandidatkinja ispunjava sve opće uslove definisane u Konkursu/natječaju za izbor SARADNIK u zvanje VIŠEG ASISTENTA za oblast „Regionalna geografija“ na Univerzitetu u Sarajevu – Prirodno-matematičkom fakultetu, Odsjek za geografiju – 1 izvršilac sa punim radnim vremenom, koji je objavljen 07.11.2025. godine u dnevnom listu «Dnevni Avaz», na web-stranici Fakulteta i na web-stranici Univerziteta u Sarajevu;
- Kandidatkinja je državljanka Bosne i Hercegovine;
- Kandidatkinja posjeduje diplome visoke stručne spreme: *bakalaureat* i *magistar geografije – nastavnički smjer* sa ukupno 300 ECTS bodova postignutih tokom studija;
- Prvi ciklus studija na Univerzitetu u Sarajevu – Prirodno-matematičkom fakultetu, Odsjek za geografiju, završila je sa 240,0 ECTS bodova i s prosječnom ocjenom studija 9,33;
- Drugi ciklus studija završila je sa 60,0 ECTS bodova i sa prosječnom ocjenom studija 9,86;
- Prosječna ocjena I i II ciklusa studija geografije (zbir svih ocjena/ ukupan broj predmeta)

- iznosi 9,39, i na oba ciklusa studija prosječna ocjena je veća od 8 (I 9,33; II 9,86);
- Prosjek na predmetima iz oblasti Regionalna geografija iznosi 9,38;
 - Dobitnica je dva posebna priznanja „Srebrna značka“ Univerziteta u Sarajevu;
 - Studentica je treće godine III ciklusa studija u akademskoj 2025/2026. godini;
 - Uspješno je odbranila projekat doktorske disertacije pod naslovom „*Primjena proširene i virtuelne realnosti u regionalnim sadržajima u srednjoškolskoj nastavi geografije*“ na dan 15.11.2024. godine;
 - Pozna je i koristi engleski jezik na B2 nivou;
 - Posjeduje kompjuterske vještine: Microsoft Windows, Office paket, Internet i digitalne komunikacije, ArcGIS, Google Earth i dr.;
 - Kandidatkinja je izabrana u *zvanje asistentice* 30.3.2022. godine i u tom zvanju provela je Zakonom o visokom obrazovanju Kantona Sarajevo predviđeni izborni period;
 - Stekla je nastavno-pedagoško iskustvo u svojstvu *asistentice* na Odsjeku za geografiju (izvodi vježbe na 14 predmeta, a 9 iz uže oblasti za koju se bira), kao i kroz dodatne edukacije i specijalizacije;
 - Učestvovala na devet naučnih skupova sa radom i na dva naučna skupa bez rada;
 - Posjeduje naučno-stručno iskustvo stečeno tokom učešća u realizaciji nekoliko konferencija, seminara i projekta;
 - Aktivni član Geografskog društva u Federaciji Bosne i Hercegovine;
 - Članica je nekoliko odbora i komisija;
 - Dosad je objavila u svojstvu koautora ukupno 14 naučnih radova (2 naučna rada do izbora u zvanje „asistent“, 12 nakon izbora), jedno poglavlje u knjizi, jedan praktikum i 5 sažetaka, koje prate relevantne međunarodne i domaće baze podataka (WOS, Scopus, DOAJ, CGP, ROAD i dr.);
 - Kandidatkinja je naučnim opusom značajno nadmašila minimalne uslove predviđene Zakonom o visokom obrazovanju za izbor u zvanje „viši asistent“ za oblast „Regionalna geografija“.

4. PRIJEDLOG

Na osnovu svestrane analize dostavljenog materijala traženog Konkursom, koji je Komisija dobila na uvid, i uvažavajući zakonske propise koji regulišu ovu oblast, Komisija konstatuje da Mr Belma Durmišević, asistentica na Univerzitetu u Sarajevu – Prirodno-matematičkom fakultetu, Odsjek za geografiju, ispunjava sve članom 176. Zakona o visokom obrazovanju („Službene novine Kantona Sarajevo“, br. 36/22) i članom 96. stavka b) Zakona o visokom obrazovanju Kantona Sarajevo („Službene novine Kantona Sarajevo“, br. 33/17, 35/20, 40/20 i 39/21) i Statutom Univerziteta u Sarajevu, propisane uslove za izbor SARADNIKA u zvanje VIŠEG ASISTENTA za naučnu oblast „Regionalna geografija”.

Na osnovu navedenog, Komisija sa zadovoljstvom predlaže Vijeću Univerziteta u Sarajevu – Prirodno-matematičkog fakulteta da prihvati prijedlog Komisije i da se

Mr Belma Durmišević, asistentica na Univerzitetu u Sarajevu – Prirodno-matematičkom fakultetu, Odsjek za geografiju,

izabere u zvanje VIŠEG ASISTENTA za oblast „REGIONALNA GEOGRAFIJA” na Univerzitetu u Sarajevu – Prirodno-matematičkom fakultetu, Odsjek za geografiju.

U Sarajevu, 15.12.2025. godine

KOMISIJA:

Dr. sc. Aida Bidžan-Gekić, vanredna profesorica, predsjednica

Dr. sc. Senada Nezirović, redovna profesorica, članica

Dr. sc. Boris Avdić, docent, član